



Ilisimatusarfik anguniakkat 2015-2020

Siulequt

Ilisimatusarfik – Kalaallit Nunaata universitetia - issittumi universitetiuvoq akuerisaq issittumi kulturinik, oqaatsinik, peqqinnermik inuiaqatigiilerinermillu ilisimatusarfiusoq ilinniartarfiusorlu. 1984-imiilli universitetip piorsarsimavai ilisimatusarnikkut ilinniartitaanikkullu periarfissarpasuit pileringeqartut, inerisittarlugillu ilinniartut angusarissaarnermikkut atorfinnissamut ajornartorsiunngitsut. Issittup qeqqani inissisimanermigut Ilisimatusarfik universitetiuvoq issittumi pissutsinut inuiaqatigiinnut, peqqinnermut kulturimulluunniit sammisuuppata ineriartortitsiviullunilu nutaaliorfiusoq, piffissami inuiaqatigiit ilinniarsimassuseq ilisimatusarnerlu atorlugit ungasissoq eqqarsaatigalugu ineriartortitsinissamut pisariaqartitsileruttorfianni. Ilisimatusarnikkut ilinniarsimassutsikkullu pitsaassuseq Ilisimatusarfiup tunuliaqutsigaa tassaassaaq inuiaqatigiit pisariaqartitaannut tulluuttooq nunallu unammilligassaanut iluaqutaasoq, pilersinneqartussarlu inuiaqatigiit attavigilluarnerisigut suleqatigilluarnerisigullu.

Inuiaqatigiit pilertortumik ineriartornerisa apeqqutinik nutaanik akisassaqaqtuarnera pisariaqartinneqalersippaa. Ilisimatusarfiup anguniagaraa suliaqarfiit annertusiartuinnarlutillu pitsanngoraluttuinnarnissaat, taamaaliornikkut universiteti Kalaallit Nunaanni ilisimatusarnikkut ilinniartitaanikkullu pisariaqartitanut naapertuuttumik tunniussaqaqtarniassammat. Ilisimatusarfiup anguniakkap tamatuma suliarinerani universiteti campusimut nukittuumut katersorniarpaa.

Ilisimatusarfimmi pikkoriffiqeqareersut toqqammavigalugit ukiuni 2015-2020 anguniagassat tallimat nassuiarneqarput:

1. Ilisimatusarfiup ilinniakkat ingerlareersut pitsaanerulersissavai nutaanillu aallarnisaaneq siuarsarlugu
2. Ilisimatusarnikkut siunnersuisarneq piorsarneqassaaq kalaallinut issittumilu inuiaqatigiinnut iluaqutaasussanngorlugu
3. Ilisimatusarfiup iluani suliaqarfiit assigiinngitsut immikkut iluaqutigeqatigiissinnaanerit suleqatigiissinnaanerallu siuarsarneqassaaq
4. Ilisimatusarfiup ilinniartut atorfillillu nunarsuup sinnerani pissutsinut naleqqussarnissaat siuarsassavaa
5. Ilisimatusarfiup iluani immikkut piginnaanillit eqqummaariffiqeqarnerat qulakkeerneqassaaq

Anguniagaq 1: Ilisimatusarfiup ilinniakkat ingerlareersut pitsaanerulersissavai nutaanillu aallarnisaaneq siuarsarlugu

Ilisimatusarfimmit allagartartaartartut Kalaallit Nunaanni suliffeqarfinni piumaneqartuupput, suliffigilikkaminnilu nalitunerulersaanermi ilisimasanillu nutaanik tunniussisarput. Ilisimatusarfiup pitsaassuseq nunarsuup sinneranut naleqqersuuttoq qulakkeerumallugu, aammalu inuiaqatigiit sulisoqarnikkut pisariaqartitaannut allagartartaartartut piginnaasaat nallersuussinnaatinniarlugit Ilisimatusarfik imaaliussaaq:

- Pitsaassutsimut politikki akuerineqassaaq atuutsinneqalerlunilu, taamaaliornikkut angujumallugu inuiaqatigiit pisariaqartitaannut piumasaannullu naapertuuttumik ilinniartitaaneq ingerlanneqartoq.
- Suliffeqarfinnut atorfinitsitsisartunut suleqateqarnerup pisortatigoortumik aaqquissuunnissaa piorsarnissaalu ilaatigut pisortat namminersortullu suliffeqarfiutaannik isumasioqatigiissitsisarnikkut kiisalu ilinniagaqarfiit tamarmik atorfinitsitsisartunut isumaqatigiissuteqarnissaannik qulakkeerinninnissaaq.
- Ilinniartitsisunngorniartarnerup iluarsaateqqinnissaa taamaaliornikkut angujumallugu atorfinitsisartut inuiaqatigiillu piumasaat pisariaqartitaallu eqquutsikkumallugit meeqqat atuarfianni angusaasartut malunnaatilimmik qaffatsinneqarnissaat siunertaralugu.
- Ilinniarnertuunngorniarsiillu suleqatigiiffeqalernissaaq tassuunakkut angujumallugu ilinniartut aallartinnerannut atasumik ajornartorsiutaasartut qanoq iliuuseqarfiginissaaq, pingaartumillu ilisimasanik aviffigeqatigiittarnissaaq, suliniutinillu nutaanik ineriartortitsineq ataqatigiissaarinerlu.
- Pikkorissartitsinerni workshopinilu ungasianiit ilinniartitsinerup atoruminarsarlugulu piorsarnissaa, ilanngulluguttaaq universitetinik allanik suleqateqarnermut atornerunissaa.
- Bacheloritut ilinniarnernut tamanut atasumik kandidatimut tamakkiisumik ilinniartitaasinnaanerup eqqunneqarnissaa, taassumalu ataani issittumi pinngortitap, peqqinnerup inuiaqatigiillu immikkut ilisimatusaatigineqartarnissaaq danskit nunallu allat universitetii suleqatigalugit.
- Inuiaqatigiilerinermi ilisimatusarnernut atasunik inatsisinut tunngasut sammineqartarnissaasa piorsarnissaa.
- Pinngortitamik ilisimatusarnerup bachelorinngorniutigineqartalernissaata aallartinnissaa.
- Ilinniartut eqeersimaarnerusumik soqutiginartumillu ilinniartinneqartarnissaaq eqqarsaatigalugu ilinniartitsinerup pædagogikkut ineriartortinneqarnissaa.
- Ilinniartut ilinniarnermi nalaani piginnaasamikkut qaffassarnissaaq eqqarsaatigalugu oqaatsinik amerlanernik piginnaasaqalernissaannut kaammattorneqarnissaaq, oqaatsit danskisut, kalaallisut tuluttullu pikkorissaatigineqartarnissaaq, kiisalu ilinniarnermi nalaani periaatsinut ilisimatusaatinillu allaaserinninnissamut pikkorissartinneqartarnissaaq.

Ilisimatusarfik *Grønlands Universitet* **University of Greenland**

Manutooq 1 - 3905 Nuussuaq / Postboks 1061 - 3900 Nuuk
www.uni.gl - mail@uni.gl - telefon +299 38 56 00



Anguniagaq 2: Ilisimatusarnikkut siunnersuisarnejq piorsarneqassaaq kalaallinut issittumilu inuiaqatigiinnut iluaqutaasussanngorlugu

Inuiaqatigiit kalaallit nutaaliornikkut piorsaajuarnissaq pisariaqartippaat nunallu ilisimatusarfigineqarneranik ilisimasaqarnerulerlutik. Ilisimatusarfiup siunertaraa inuiaqatigiit pisariaqartitaannut periarfissarititanullu naapertuuttunik amerlanerujartuinnartunut iluaqutaasumik suliaqartarnissani.

Inuiaqatigiinnut kiffartuussiviit pingaarnersaannut ilaasutut Ilisimatusarfiup ilisimasani atorussuppai, kalaallinut issittumilu inuiaqatigiinnut iluaqutaasumik, attaveqatigiinnermut inuiaqatigiinnut kalaallinut, suliffeqarfinnut soqutigisaqatigiiffinnullu. Taamattaq ilisimasat paasititsiniutigineqarneranni oqallinnernilu Ilisimatusarfik annertunerujartuinnartumik nunarsuup sinneranut ilisimasani tunioraasuusaaq.

Ilisimatusarfiup ilisimatusarnikkut inissisimanini piorsarusuppaa ima iliorluni:

- Insituttini immikkoortortanilu tamani ilisimatusarnikkut anguniakkanik suliaqarnissaq.
- Suliffeqarfiit inuiaqatigiinnullu kiffartuussiviit suleqatiginerujumallugit aaqqissuussinissaq.
- Qulakkeerneqassaaq ilisimatusartut, ilisimatusaatit ilinniartitaanerillu imminnut iluaqutigeqatigiinnerunissaat, ilanngulluguttaq inuiaqatigiinni suliaqarfinnut atorfinitsitsisartunullu attaveqarnerunissaq.
- Qulakkeerneqassaaq ilinniartitaanerit tamarmik naammattunik ilisimatuutut ilinniarsimasunik atorfeqartitsinissaat, taamaaliornikkut qulakkeerumallugu piorsarumallugulu immikkoortortani tamani qaffasissumik ilisimatusarnikkut pitsaassuseqartitsinissaq ph.d.-nngorniartunillu ilinniartoqarnissaat.
- Issittup nunarsuup sinneraniit eqqummaariffigineqarnerulernerata atorluarnissaa Kalaallit Nunaata universitetillu nunarsuatsinni ilisimatusarfinni allani ilisimaneqarnerulernissaat angujumallugu.
- Inuiaqatigiinnut attaveqarnerup ilisimasani ingerlatitseqqittarnerup piorsarnissaa, taamaaliornikkut angujumallugu universitetip ilisimasaasa iluaqutigineqarnerulernissaat.
- Kalaallit Nunaata immikkut pingaarutilimmik inissisimanera atorlugu nunat inuiisa pisinnaatitaaffii pillugit nunanik allanik suleqateqarnerup siuarsarnissaa.

Ilisimatusarfik *Grønlands Universitet* **University of Greenland**

Manutooq 1 - 3905 Nuussuaq / Postboks 1061 - 3900 Nuuk
www.uni.gl - mail@uni.gl - telefon +299 38 56 00



Anguniagaq 3: Ilisimatusarfiup iluani suliaqarfiit assigiinngitsut immikkut iluaqutigeqatigiissinnaanerit suleqatigiissinnaanerallu siuarneqassaaq

Inuiaqatigiit ullumikkut siunissamilu unammisassaqaqput arlaqartunik pisariusunillu ilisimatusarfiup aqputit nutaat eqqarsariaatsillu suliaqarfiit sungiusimasat akimorlugit ingerlasut atorlugit piorsaanissaanik pisariaqartitsilersut. Iluarsiissutissanik nutaanik nassaarniarnermi pisariaqartinneqarpoq ilisimatusarfiup pikkoriffiisa atorluarnerisigut suliaqarfiit akimorlugit suleqatigiinnerup piorsarnissaanut.

Ilisimatusarfiup peqataaffigaa suliaqarfinnik nutaanik ilisimatusarnikkut ilinniartitaanikkullu pilersitsiortornissaq ima iliornikkut:

- Suliaqarfiit akimorlugit ilisimatusarnikkut suliniutit tapersersornissaat ilisimatusarfiup ilisimatusarnermut Siuarsaanermullu Aningaasaateqarfia aqputigalugu.
- Ilisimatusarnikkut suliaqarfiit akimorlugit ingerlatsiviup piviusunngortinnissaa; Meeqqanik, Inuusuttunik Ilaqutariinnillu Ilisimatusarfik.
- Inuiaqatigiit Aatsitassallu pillugit suliaqarfimmik pilersitsinissaa, taassumalu iluani uuliamut gasimullu tunngasut pillugit professoratimik aallarniinissaa, kiisalu EU-p aningaasalersugaanik ilisimatusarnikkut nutaaliornikkullu suliniutinut peqataanissaa.
- Suleqatigiinnerup Greenland Perspektivup piviusunngortinnissaa.
- Ilinniartitaanermut tunngasut ataqatigiissarneri qulakkeerlugit, ilinniartitaanerit ataasiakkaat ilinniakkamut tunngasut siuarsarneqarneri qajassuullugit.
- Ilinniagartuunngorniarnep ataatsimoorfiusumik sumiiffeqalernissaanik suliniuteqarneq maannakkut siunissamilu ilisimatusarnerit ilinniartitaanerillu kissaataat pisariaqartitaallu pitsanngorsarniarlugit. Nutaanik sanaartortoqarnissaanut siunertaavoq ilisimatusarfiup ilinniartitaanerinik atatsimoorluni qanimut katersuuffeqalernissaa, tassunga ilanngullugit ilinniartut illussaat, timersortarfeeraq, ilisimatuut tikeraat unnuisarfissaat il.il.

Ilisimatusarfik *Grønlands Universitet* **University of Greenland**

Manutooq 1 - 3905 Nuussuaq / Postboks 1061 - 3900 Nuuk
www.uni.gl - mail@uni.gl - telefon +299 38 56 00



Anguniagaq 4: Ilisimatusarfiup ilinniartut atorfillillu nunarsuup sinnerani pissutsinut naleqquassarnissaat siuarsassavaa

Ilisimatusarfik tassaavoq issittumi universiteti nunarsuup sinnerani suleqateqartoq oqalliffinnilu peqataasoq. Ilisimasaniq, isumassarsianik iluarsiissutissanillu aviffigeqatigiittarneq universitetip suulluunniit napassutaasa pingaarnerit ilagaat.

Ilisimatusarfiup nunanut allanut ilinniartut atorfillillu attaveqateqarnerat piorsartuarumavaa imatut:

- Ilinniartut paarlaateqatigiinnikkut periarfissaannik paasisutissiisernerup ilitsersuinerullu piorsarneratigut.
- Nunani allani ilinniarsiit ilinniartunik paarlaattarnikkut, ilinniartitaanikkut ilisimatusarnikkullu suleqatiginerisa sukasarlugulu malersoqqittuarnerisigut.
- Ilinniartut atorfillillu paasisassarsiorlutik ataatsimeersuariarlutillu angalasarnerisa kaammattuutigalugillu tapiissuteqarfigisarnerisigut.
- Atorfillit atuartitsinertik qimakkallarlugu nunani allani ilisimatusarlutillu ilinniaqqittarnissaannik periarfissiinikkut aammattaaq atorfillit nunani allani ilinniaqqinnikkut suleqateqarnikkullu periarfissaat pillugit oqaloqatigisarnissaat ukiumoortumik atorfilinnik oqaloqateqartarnermut (MUS) atasumik.
- Universitetit allat suleqatigalugit atorfeqartitanik aviffigeqatigiittarnerup inerisarneratigut.
- Ilinniarfeqarfiit allat suleqatigalugit Nuummi ilisimatusartut ilinniartullu inissaannik amerlisaanikkut.
- Ilinniartut nunanit allaneersut ilisimatusarfimmi ilinniartarnissaannut aporfinnik piiaaqataanikkut.
- Ilinniartut atorfillillu nunani allani saqqummersitsisarnissaannut kaammattuisarnikkut.

Ilisimatusarfik *Grønlands Universitet* **University of Greenland**

Manutooq 1 - 3905 Nuussuaq / Postboks 1061 - 3900 Nuuk
www.uni.gl - mail@uni.gl - telefon +299 38 56 00



Anguniagaq 5: Ilisimatusarfiup iluani immikkut piginnaanillit eqqummaariffigineqarnerat qulakkeerneqassaaq

Ilisimatusartutut ilinniarnep pitsaasup inerisarnissaa universitetip ingerlalluarnissaanut tunuliaqutsiissaaq. Ilisimatusarfiup ilinniartut pikkorinnerpaat ilippanaateqarnerpaallu ilinniartuutigalugillu pitsaasumik atorfeqartitsinikkut neqeroorfiginninnikkut nunamut tamarmut issittumilu ilisimatusarnermut iluaqutaasumik kivitseqataasinnaajumavoq.

Ilisimatusarfik pikkorissut ilippanaatillillu siusissukkut ineriartortittarnissaat ima sinaakkuserumavaa:

- Ilinniartut kalaallit ph.d.-nngorniarumasut amerlisarnerisigut.
- Ph.d.-nngorniarluni ilinniakkat ataatsimoorluni aningaasalersorneqarsinnaasut amerlisarnerisigut.
- Ph.d.-nngorniarfimmik immikkoortumik aaqqissuussinikkut ph.d.-mut ilinniarnep siuarsarneratigut.
- Ilinniartut suliaat inuiaqatigiinnut piukkunnartut siammarneqartarnissaasa qulakkeernerisigut, aammalu ilinniartut nunani allani bachelorinnngorniutimik kandidatinnngorniutimillu saqqummersittarnissaannut tapersiisarnikkut.
- Ilinniartitaanerit sulianullu aalajangersimasunut peqataanerit porsarnerisigut suliffeqarfiit, ilinniartuutit soqutigisaqatigiillu suleqatigalugit.

Ilisimatusarfimmi anguniakkat piviusunngortinnissaannut toqqammavissat

Ilisimatusarfik siumukassappat, anguniakkani angusarlugit suliffittut ilinniartuutullu pilerigineqarluni, taava makku tunngaviumik eqqummaariffigineqassapput:

- Suliffeqarfittut ineriartornermik pingaartitsinissaq sulisoqarnissarlu pitsaassutsimik anguniagalinnik sulinerikkut ineriartortuarnissamut piumassusilinnik.
- Aqutsinerup iluarsaanneqarnerata peqataatitsinermik, akisussaaqataanerimik ammanermillu toqqammaveqarnissaa.
- Suleriaatsit ilisimatusarnikkut, ilinniagaqarnikkut ilinniartuunikkullu avatangiisinik kaammattuisut.
- Ineqarnikkut angallannikkullu avatangiiseqarnissaq pitsaasunik.
- Kiffartuussinikkut aaqqissuusaanerup ilinniarnikkut pingaartitanut tapertaalluarnissaa.
- Aalajangiiniarnerit ammasuullutillu isertugaatsuunissaasa sulissutigineqarnissaa.
- Pigisatigut pisuussutigullu ilisimaarinnittuunissaq, ineriartuutaasinnaasunut aningaasaliisarnissaq aamma ineriartorneq imminut napatissinnaasoq angujumallugu aningaasaliiumasussarsiortarnissaq sulisussarsiortarnissarlu.

Ilisimatusarfik *Grønlands Universitet* **University of Greenland**

Manutooq 1 - 3905 Nuussuaq / Postboks 1061 - 3900 Nuuk
www.uni.gl - mail@uni.gl - telefon +299 38 56 00

